



**Skólaráð Tjarnarskóla**  
**fundargerð 15. fundar**  
( 3. fundur á skólaárinu 2013-2014)  
**mánudaginn 7. apríl 2014 kl. 16.00**

Mættir voru:

Margrét Theodórsdóttir, skólastjóri  
Sigrún Edda Theodórsdóttir, fulltrúi annars starfsfólks  
Birna Dís Björnsdóttir, fulltrúi kennara  
Karen Ósk Úlfarsdóttir, fulltrúi kennara  
Guðrún Elísa Þorkelsdóttir, fulltrúi foreldra  
Alda Ægisdóttir, 10. bekk, fulltrúi í nemendaráði  
Harpa Dögg Ólafsdóttir, 8. bekk, fulltrúi úr nemendaráði

Þór Guðnason, fulltrúi nemenda, Isabelle Helga Proppé Bailey, fulltrúi nemenda, Jón Þór Sturluson, fulltrúi foreldra og Ragnheiður Hanson, fulltrúi úr grenndarsamfélaginu, komust ekki á fundinn. Tveir nemendur úr nemendaráði komust ekki á fundinn.

Fundarritari var Sigrún Edda Theodórsdóttir, ritari.

Margrét setti fundinn og bauð fundarmenn velkomna en á þessum fundi var fulltrúum í nemendaráði Tjarnarskóla boðin þátttaka eins og vera ber. Margrét nefndi að gleymst hefði að senda fundargerð síðasta fundar með fundarboðinu, úr því verður bætt.

Þar sem gestir fundarins voru fulltrúar úr nemendaráðinu fór Margrét stuttlega yfir hlutverk skólaráðsins og útskýrði fyrir nemendum þeirra hlutverk á fundinum.

### **1. Skóladagatal 2014-2015**

Fyrsta mál á dagskrá var að fara yfir skóladagatal næsta skólaárs, 2014-2015. Því á að skila til Skóla- og frístundasviðs fyrir næstu mánaðamót. Farið var yfir hvern mánuð fyrir sig og fundarmenn beðnir um að koma með spurningar, ábendingar eða tillögur að breytingum.

Athugasemdir sem komu fram:

Best væri að bóka strax salinn í lðnó fyrir árshátíðina 26. mars á næsta ári þannig að ekki þurfi að fresta árshátíðinni eins og í ár.

Umræður urðu um hvort ekki sé óheppilegt að ritgerðardagar verði síðustu dagana fyrir próf í maí. Þegar upplýst var að hefð sé fyrir því að kenna fyrstu tvo tímuna þessa daga ætti það ekki að koma að sök, því samþykkt.

Rætt var stuttlega um ungbarnadaga í 10. bekk, sem hafa verið á dagskrá undanfarin fimm ár, allir jákvæðir ☺ fínt að halda þeim inni.

**Skóladagatalið var samþykkt samhljóða og verður sett á heimasíðu skólans.**

## 2. Opinn fundur , hugmyndir að fundarefni.

Karen kennari sagði frá félagasamtökunum **Erindi**. Meðlimir í samtökunum hafa skipulagt fræðslu sem viðkemur umgengni og hættur sem geta leynst þegar ferðast er um á netinu með velferð þeirra í huga. Það gæti verið áhugavert að sýna og kenna foreldrum hvaða forrit nemendur eru að nota á netinu. Sömu aðilar hafa einnig verið að bjóða upp á fyrirlestra og umræður um einelti. Þessi tillaga var rædd og fundarmenn ræddu talsvert um síma- og tölvunotkun, bæði í skólanum og utan hans.

Að loknum umræðum var sú uppástunga samþykkt að hafa tvískiptan fund um þetta efni, annars vegar fyrir foreldra og hins vegar nemendur. Báðir hópar fengju fræðslu/innlegg. Síðan yrði nemendum og foreldrum blandað í hópa til þess að ræða viðfangsefnið og koma með tillögur. Stefnt er að tímasetningunni 18.00-20.00. Dagsetning verður ákveðin í samráði við fyrirlesarana, líklega í kringum miðjan maí. Í fundarboði verður fólk beiðið að skrá sig svo hægt verði að áætla pizzumagn sem verður á boðstólum þar sem fundartími er á kvöldmatartíma.

## 2. Önnur mál.

Rætt var um að endurtaka samverustund með útskriftarnemendum eftir athöfnina í Dómkirkjunni 6. júní næst komandi. Sá háttur var hafður á í fyrra, í fyrsta skipti, og þótti takast afar vel. Stefnt að því að skipa nefnd með nemendum, foreldrum og umsjónarkennara til þess að skipuleggja nýjan viðburð af þessu tagi. Í fyrra var myndasýning sett saman og varpað á tjald og nemendur settu veitingar á hlaðborð og skreyttu stofuna. Allir voru jákvæðir gagnvart þessari hugmynd.

Fundi slitið eftir tæplega klukkustund.

SET

Ábending: Heimasíða samtakanna Erindi er [www.erindi.is](http://www.erindi.is).